

Kalaallit Nunaanni atortussiassat aatsitassanit pisut pillugit suliniutit isumagineqarnissaannut selskabi pillugu Inatsisartut inatsisaata allanngortinneqarneranik Inatsisartut inatsisaat

§ 1.

Kalaallit Nunaanni kulbrintisiornerit isumagineqarnissaannut selskabliornermut Inatsisartut inatsisaanni nr. 10, 22. november 1984-imeersumi allannguutigittinneqassapput:

1. Inatsisartut inatsisaat ima taaguuteqassaaq:

"Kalaallit Nunaanni atortussiassat aatsitassanit pisut il.il. pillugit suliniutit isumagineqarnissaannut ingerlatseqatigiiffik pillugu Inatsisartut inatsisaat."

2. § 1-ip kingornanut § 1 a-tut nutaatut ilanngunneqassaaq ima oqaasertalik:

"§ 1a. Naalakkersuisut piginnaatinneqarput Nukissiuuteqarnermut ministeri isumaqatigiissuteqarfigissallugu ingerlatseqatigiiffiup ingerlatsinerani killissaatitaasut annertusisinnissaannut, isumagisassanut ilangullugit atortussiassat aatsitassanit pisut pillugit suliniutit."

§ 2.

Inatsisartut inatsisaat una atortuulissaaq novembarip aallaqqaataani 1993-imi. Tamanna peqatigalugu atortuujunnaassaaq Kalaallit Nunaanni kulbrintisiornerit isumagineqarnissaannut selskabliornermut Inatsisartut inatsisaata allannguuteqartitaanerani Inatsisartut inatsisaat nr. 2, 2. april 1987-imeersoq.

Namminersornerullutik Oqartussat, ulloq 28. oktober 1993

Lars Emil Johansen

/

Kaj Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut